

Ilulissat ulloq 26. Januar 2015

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara.

Naalakkersuisunut apeqquut:

- 1. Ilulissani GU-qalernissaanik, timersornermillu Ilinniarfeqalernissaanik pilersitsinissamik sukumiisumik misissuisoqarnissaanik Naalakkersuisut peqquneqarnissaanik 2012-imi inatsisartut aaliangiisimanerat sumut killippa?**
- 2. Misissuineq qanoq sukumiitigisumik ingerlanneqarsimava?**
- 3. Misissuineq naammassineqarsimappat, sooq misissuinerup inernera inatsisartunut saqqummiunneqarsimannngila?**
- 4. Nuummi timersornermut ilinniarfimmik pilersitsinialernej, apeqquummi uani misissuisimanermit attuumassuteqarpaa?**

(Inatsisartunut Ilaasortaq Anthon Frederiksen, Partii Naleraq)

Tungavilersuut:

Naluneqanngitsutut 2012-imi inatsisartuni aaliangerput; Naalakkersuisut peqquneqassasut, Ilulissani ilinniarnertuunngorniarfimmik, timersornermillu ilinniarfimmik pilersitsisoqarnissaa naalakkersuisunit sukumiisumik misissuiffigineqassasoq.

Misissuisoqarsimassappat, misissuinermit tunngasut 2012-imiit maannamut inernerisimasaat assut paasissallugit Partii Naleqqamiit soorunami soqutigaagut, taamaammallu aamma misissuisimanerit Nuummi timersornermik ilinniarfeqalernissaanut attuumassuteqarsimanersut paasissallugit soqutiginarput.

Ullut suliffiit qulit qaangiutinnginnerini akissuteqarfigineqarnissarput Partii Naleqqamiit piumasaraarput.